

ԽՄԲԱԳՐԱԿԱՆ

1700 - ԱՄՅԱԿԻ ՇԱՐՈՒՆԱԿՎՈՂ ԽՈՐՀՐԴՈՎ

Անցնող հոկտեմբեր-նոյեմբեր ամիսները եկան վկայելու, որ 1700-ամյակի սեպտեմբերյան եզրափակիչ հանդիսությունները դարձան ոչ թե 1700-ամյակի եզրափակումը, այլ նրանցով շարունակվեց 1700-ամյակի խորհուրդը ազգային-հոգևոր մեր կյանքում: Այն շարունակվեց նոր օրհնված մյուռոնի հեղմամբ, որի դրոշմամբ ամեն օր ավելանում են Քրիստոսի բանավոր հոգիի հայ ժողովրդի զավակները: 1700-ամյակի նույն մյուռոնի հեղմամբ անցնող ամսվա ընթացքում օծվեցին ևս մի քանի եկեղեցիներ և կապարված հոգևոր ձեռնադրություններով և օծումներով համարվեցին Հայոց Եկեղեցու սպասավորների ու Մայր Աթոռ Սուրբ Էջմիածնի զինվորյալ միաբանության շարքերը, հավաստելով, որ մենք ոչ միայն ժառանգորդն ենք այն ամենի «ինչ որ դարերով երկնել է, ծնել խորունկ մեր հոգին», այլև որ ինչպես 1700 փարիներ առաջ և անցնող դարերի ընթացքում, այնպես էլ այսօր մեր հոգիներում «կենդանի է Տէր Աստուած մէր, Աստուած հարցն մերոց»:

1700-ամյակը այսօր էլ շարունակվում է քաղաքամայր Երևանի Ս. Գրիգոր Լուսավորիչ Մայր Եկեղեցի ժողովրդի չղաղարող հոսքով:

1700-ամյակը շարունակվում է նաև միջեկեղեցական մակարդակով, որն նոյեմբերի սկզբին արտահայտվեց Կոստանդնուպոլսի Տիեզերական Պատրիարք Բարդուղիմեոս Ա-ի այցելությամբ: Այս այցը մի անգամ ևս եկավ հավաստելու, որ անցել է «Բյուզանդական վեճերի» շրջանը, որոնք իրենց ողբերգական հետքը թողեցին մեր երկու ժողովուրդների պարմական հեպագա ընթացքի վրա: 1700-ամյակի ոգին ու շունչն էր իշխում Գարեգին Բ Վեհափառի նոյեմբերին Ավստրիա կապարած հայրապետական այցելության ժամանակ փռված ունեցած պետական ընդունելությունների, միջեկեղեցական հանդիսությունների ու արարողությունների և հայ համայնքի հետ հանդիպումների ընթացքում:

1700-ամյակը շարունակվեց նաև միջպետական և միջազգային հարաբերությունների շրջագծում: Սեպտեմբերին Ռուսաց Պատրիարքի այցելությանը նախորդեց Ռուսաստանի Դաշնության նախագահ Վլադիմիր Պուտինի պետական պաշտոնական այցը Հայաստան, որի ընթացքում Հայոց Հայրապետն ու Ռուսաց պետության ղեկավարը մեկ անգամ ևս ընդգծեցին հոգևոր-ավանդական այն ընդհանրությունները, որ կան մեր երկու Եկեղեցիների ու ժողովուրդների կյանքում: Նոյեմբերի 1-ին Ս. Էջմիածին եկավ դարձյալ պետական պաշտոնական այցով Հայաստանում գտնվող Ռումինիայի նախագահ Իլիոն Իլիեսկուն, Հայոց Հայրապետի հետ գրույցի ընթաց-

քում պարմելով, թե ինչպես է Ռումինիայում հանդիսավորապես նշվել 1700-ամյակը և Ռումինիայի Հայոց թեմի հիմնման 600-ամյակը:

Ջուգադիպություններն ու համընկնումները հաճախ հոգևոր ներքին մեծ խորհուրդ են ունենում: Այդպիսի խորհուրդ ուներ նաև հորեյանազարդ 2001 թվականին Հայաստանում քրիստոնեության պեղական կրոն ընդունման 1700-ամյակի և Հայաստանի անկախության 10-ամյակի հռչակման հորեյանների համընկնումը և սեպտեմբերին նրանց միահյուսված նշումը, քանի որ Հայոց Եկեղեցին է եղել այն վեմը, որի վրա բարձրացել է մեր պեղականությունը, և այն խանձարուրդ, որում պարվել և պահվել է անկախության ձգտումն ու երազը մինչև բարեպապեն ժամանակներում վերստին մարմնանալը:

Պարմական անցյալի ու ներկայի այս համադրմամբ 1700-ամյակի խորհուրդն ու նրա մշտանորոգ ներկայությունը համայն հայության կյանքում և հայոց պեղականության համար ազգիս Վեհափառ Հայրապետը 1700-ամյակի աթիվ փրված կոնդակում՝ այսպես է սահմանում *«Մեր պարմության որոշիչ այս շրջանում հարկ է, որ հաղարով ու քրիստոնեական ճշմարիտ արժեքներով իմաստավորենք մեր՝ կյանքը: Գիտակցենք Հայ Եկեղեցու դերակատարությունն իր կոչման բարձունքում, որպեսզի հասարակական մեր կյանքում Հայ Եկեղեցին իրապես դառնա խիղճը և երաշխավորը բարոյականության, ժողովրդի կամքի արտահայտիչը պեղության առջև և պեղության աջակիցը ժողովրդին ծառայելու սրբազան կոչման մեջ»*: